

PEKELILING NAIB CANSOLOR

Bilangan 08 Tahun 2014

PEMANTAUAN KE ATAS STAF UiTM YANG MENJALANKAN PERNIAGAAN DALAM TALIAN

TUJUAN

1. Pekeliling ini bertujuan untuk memaklumkan berkenaan dengan pemantauan ke atas staf Universiti Teknologi MARA yang menjalankan perniagaan dalam talian.

LATAR BELAKANG

2. Berdasarkan laporan yang diterima di pihak Unit Integriti, didapati terdapat staf Universiti Teknologi MARA yang menggunakan kemudahan media sosial dan emel rasmi universiti untuk menjalankan perniagaan bagi menjual produk ataupun perkhidmatan serta dilakukan dalam waktu pejabat. Keadaan ini boleh menimbulkan pelbagai persepsi negatif terhadap staf dan imej Universiti Teknologi MARA.

3. Pekeliling Pendaftar Bil 02 Tahun 2013 bertarikh 21 Januari 2013 telah menetapkan Garis Panduan Melakukan Pekerjaan Luar kepada staf Universiti Teknologi MARA. Mana-mana staf Universiti Teknologi MARA yang menjalankan perniagaan secara atas talian hendaklah disifatkan sebagai telah melakukan pekerjaan luar dan perlu mendapat kebenaran Ketua Jabatan.

4. Walau bagaimanapun di bawah Peraturan 4(3), Akta Badan-Badan Berkanun (Tatatertib dan Surcaj 2000 (Akta 605) kebenaran melakukan pekerjaan luar adalah bersyarat di mana:

- 4.1. tidak dilakukan dalam waktu pejabat dan semasa staf itu dikehendaki melaksanakan tugas rasminya;
- 4.2. tidak akan dengan apa-apa cara cenderung menjejaskan kebergunaan pegawai itu sebagai seorang staf Universiti; dan
- 4.3. tidak dengan apa-apa cara cenderung bercanggah dengan kepentingan Universiti, atau menjadi tidak selaras dengan kedudukan staf itu sebagai seorang staf Universiti.

5. Sehubungan dengan itu, semua Ketua Jabatan di peringkat PTJ masing-masing hendaklah membuat pemantauan dari semasa ke semasa dan membuat pelaporan sekiranya terdapat staf Universiti Teknologi MARA yang menjalankan perniagaan dalam talian tanpa kebenaran. Sayugia dimaklumkan bahawa mana-mana staf yang melanggar ketetapan ini boleh dikenakan tindakan tatatertib mengikut peraturan dan undang-undang yang sedang berkuatkuasa.

TARIKH DIKELUARKAN

6. Pekeliling ini dikeluarkan pada 14 Julai 2014.

TARIKH KUATKUASA

7. Pekeliling ini berkuat kuasa 14 Julai 2014.

PEMAKAIAN

8. Pekeliling ini adalah terpakai untuk seluruh sistem Universiti Teknologi MARA.



TAN SRI DATO' SRI PROF. IR. DR. SAHOL HAMID ABU BAKAR, FASc
Naib Canselor

Dikelilingkan Kepada:

*Semua Timbalan Naib Canselor
Semua Ketua Jabatan/Bahagian/Pusat/Unit
Semua Dekan-Dekan Fakulti
Semua Rektor-Rektor Kampus Negeri*

*Bil Fail : 100-UInt(6/7/1)
No. Siri : 100-UiTM (NC/08/2014)*